

րիարքարանի մէջ: Ռեյտ (= 1615)ին Չաքարիա գրչին Մոկաց աշխարհի Դաշ ըսուած գիւղին մէջ ընդօրինակել տուած իր ձեռագիր Աստուածաշունչը կը յիշատակէ Ս. Յակոբի վանքին: Յիշատակարանի մը համաձայն իր ծնողքն են Կարայէկ և Ջաւնաղ, եղբայրները Աւեսիս և Մուրաս:

ՄԱՐՏԻՐՈՍ ՎՐԴ. ՎԱՆՅԻ.— Մբ. կը վախճանի 1814 ին:

ՄԱՐՏԻՐՈՍ ՔՀ. ԵՒ ՈՐԴԻՆ ԳՐԻԳՈՐ ՔՀ. ԽԵՉԱՆՅԻ.— Երուսաղէմի Դաւիթ պարք.ի խնդրանքով 1596 ին Խիզանի մէջ կ'ընդօրինակեն Աստուածաշունչ մը, որ կը մնայ Ս. Յակոբի վանքին մէջ (ՄՁ. Թ. 397), իբր յիշատակ: Սոյն ձեռագրին լուսանցքներէն միոյն վրայ գրուած է հետեւեալը. «Դաւիթ Ե. կաթ. եկն յերուսաղէմ, յամին 1620, 18 Յունուարի»: Յիշեալը՝ 1591 ին ընդօրինակած է նաև Ս. Յակոբի մէջ Յայրեաւորք մը:

Մարտիրոս քհ. յիշատակարանին մէջ, (ՄՁ. Թ. 1920) իր ազգականներէն զատ, կը յիշատակէ նաև նոյն ժամանակը Ս. Յակոբի վանքը գտնուող կրօնաւորները որ են. Աստուածասուր եպս., Մրայիլոն րարուսայէկ ունիայեցի, սկր Ղազար, սկր Յովհաննէս, Պարուկերի հօրեղբարդի խըսրչան սարկաւազ, սկր Նահայէկ, սկր Յոնան, միս. Սարգիս, Փանոս Ղարիպ, Սարգիս, Շաղաւար, Պողոս Բաղիշեցի. զիրքին կազմողը, Սարգիս եպս. Եղոյկիացի. (տե՛ս նաև Խապ. Յուց. տետր ԻԹ. էջ 2208 — 2215, Թորոս Աղբար, էջ 262 — 265):

ՄԵԼԳՈՆ (միս.) ԱՊՈՒՉԵԽՅԻ, (Ակն).— Հացագործ, 1747ին Ս. Յակոբի վանքին ի յիշատակ կը նուիրէ յիփրիշի կիտուածաւոր և ականակապ սաղաւարտ մը. (Յուց. պ.):

ՄԵԼԳՈՆ ՎՐԴ. ԷՏԻՐՆԷՅԻ.— Մբ. ՏՈ. 1793 ին. Եւզոկիացի Պետրոս պարք.ի ընտրութեան տեղեկագիրը 1794 ին կը տանի Կ. Պոլիս կայս. հրովարտակ ձեռք բերելու համար. 1800 ին Լս. Ս. Յարութեան, յետոյ Տեսուչ, (ՄՁ. Թ. 793). 1808 ին Ս. Յարութեան տաճարին մէջ կը պատահի հրդեհ մը, ուրկէ Մելգոն վրդ. չկրնալով փախչիլ, գոհ կ'երթայ բոցերուն եւ մարմինը ածխացած վիճակի մէջ կը գտնուի: Տաղասաց մը՝ մբ. Անտոն վրդ. Եւզոկիացի՝ հետեւեալ կերպով կը նկարագրէ Մելգոն վրդ.ի նոյն հրդեհին մէջ այրուիլը. ողբ ի վերայ Ս. Յարութեան խորագրով գրած քերթուածին մէջ.